

雜阿含經卷第四十六

堂六

宋天竺三藏求那跋陀羅譯

如是我聞一時佛住舍衛國祇樹給孤獨園爾時世尊告諸比丘過去世時天阿修羅對陣鬪戰阿修羅勝諸天不如時天帝釋軍壞

堂六

退散極生恐怖乘車北馳還歸天宮須彌山

下道徑叢林林下有金翅鳥巢多有金翅鳥子爾時帝釋恐車馬過踐殺鳥子告御者言可回車還勿殺鳥子御者白王阿修羅軍後來逐人若回還者爲彼所困帝釋告言寧當

回還爲阿修羅殺不以軍衆蹈殺衆生於道御者轉乘南向阿修羅軍遙見帝釋轉乘而還謂爲戰策即還退走衆大恐怖壞陣流散歸阿修羅宮佛告諸比丘彼天帝釋於三天爲自在王以慈心故威力摧伏阿修羅

軍亦常讚歎慈心功德汝等比丘正信非家出家學道當修慈心亦應讚歎慈心功德佛說此經已諸比丘聞佛所說歡喜奉行

如是我聞一時佛住王舍城迦蘭陀竹園時王舍城中有一士夫貧窮辛苦而於佛法僧受持禁戒多聞廣學力行惠施正見成就彼身壞命終得生天上生三十三天有三事勝

於餘三十三天何等爲三一者天壽二者天色三者天名稱諸三十三天見是天子三事特勝天壽天色天名稱勝餘諸天見已往詣

天帝釋所作如是言憍尸迦當知有一天子始生此天於先諸天三事特勝天壽天色及天名稱時天帝釋告彼天子諸仁者我見此人於王舍城作一士夫貧窮辛苦於如來法律得信向心乃至正見成就身壞命終來生

此天於諸三十三天三事特勝天壽天色及天名稱時天帝釋即說偈言

正信於如來 決定不傾動 受持真實戒
聖戒無缺者 於佛心清淨 成就於正見
當知非貧苦 不空而自活 故於佛法僧

當生清淨信 智慧力增明 思念佛正教

佛說此經已諸比丘聞佛所說歡喜奉行

如是我聞一時佛住王舍城耆闍崛山中爾時王舍城人普設大會悉爲請種種異道有

事遮羅迦外道者作是念我今請遮羅迦外

善分別顯示 一切法彼岸 悉度諸恐怖
故稽首瞿曇 堂六 諸人普設會 欲求大功德
各各設大施 常願有餘果 願爲設福田

事佛弟子僧者咸作是念今當令佛面前僧先作福田時天帝釋作是念莫令王舍城諸人捨佛面前僧而奉事餘道求索福田我當

疾往爲王舍城人建立福田即化作大婆羅門儀容嚴整乘白馬車諸年少婆羅門衆前後導從持金斗繖蓋至王舍城諸處處大衆會中語王舍城一切士女咸作是念但當觀望此大婆羅門所奉事處我當從彼而先

供養爲良福田時天帝釋知王舍城一切士女心之所念駕乘導從徑詣耆闍崛山至於門外除去五飾往詣佛所稽首佛足退坐一面而說偈言

三
事天先作福田或有事外道出家者有事尼乾子道者有事老弟子者有事火弟子者有事佛弟子僧者咸作是念今當令佛面前僧先作福田時天帝釋作是念莫令王舍城諸人捨佛面前僧而奉事餘道求索福田我當

今當說福田 施得大果處 正向者有四
四聖住於果 是名僧福田 明行定具足
僧福田增廣 無量踰大海 調人師弟子
照明顯正法 斯等善供養 施僧良福田
於僧良福田 佛說得大果 以僧離五蓋
清淨應讚歎 施彼最上田 少施收大利
是故諸人者 當施僧福田 增得勝妙法
明行定相應 供此珍寶僧 施主心歡喜
起於三種心 施衣服飲食 離塵垢劍刺
超度諸惡趣 躬自行啓請 自手平等與
自利亦利他 是施獲大利 慧者如是施
淨信心解脫 無罪安樂施 乘智往生彼
時天帝釋聞佛所說歡喜隨喜爲佛作禮即
沒不現

爾時王舍城諸人民即從座起整衣服爲佛

作禮合掌白佛言世尊唯願世尊與諸大眾
受我供食爾時世尊默然受請是王舍城人
民知世尊默然受其請已作禮而歸到諸大
會處具飲食布置牀座晨朝遣使白佛時到
唯願知時爾時世尊與諸大眾著衣持鉢至
大會所於大衆前敷座而坐王舍城人知佛
坐定自行種種豐美飲食食已洗鉢澡漱畢
還復本座聽佛說法爾時世尊爲王舍城人
種種說法示教照喜已從座起而去
如是我聞一時佛住王舍城耆闍崛山中廣
三說如上說差別者時天帝釋說異偈而問佛
言

今請問瞿曇 微密深妙慧 世尊之所體

無障礙知見

衆人普設會偈如上廣說乃至爲王舍城諸

設會者說種種法示教照喜已從座起去

如是我聞一時佛在拘薩羅人間遊行至舍衛國祇樹給孤獨園時波斯匿王聞世尊拘薩羅人間遊行至舍衛國祇樹給孤獨園聞已徃詣佛所稽首佛足退坐一面白佛言世尊我聞世尊自記說成阿耨多羅三藐三菩提諸人傳者得非虛妄過長說耶爲如說說提諸人傳者得非虛妄過長說耶爲如說說如法說隨順法說耶非是他人損同法者於其問答生厭薄處耶佛告大王彼如是說是真諦說非爲虛妄如說說如法說隨順法說爲四刹利王子年少幼小而不可輕龍子年少幼小而不可輕小火雖微而不可輕比丘幼小而不可輕爾時世尊即說偈言

刪闍耶毗羅胝子阿耆多枳舍欽婆羅迦羅拘陀迦旃延尼乾陀若提子彼等不自說言得阿耨多羅三藐三菩提何得世尊幼小年少出家未久而便自證得阿耨多羅三藐三菩提佛告大王有四種雖小而不可輕何等
刹利形相具 貴族發名稱 雖復年幼稚智者所不輕 此必居王位 顧念生怨害是故難可輕 應生大恭敬 善求自護者自護如護命 以平等自護 而等護於命聚落及空處 見彼幼龍者 莫以小蛇故提故波斯匿王白佛言雖復世尊作如是說我猶故不信所以者何此間有諸宿重沙門婆羅門所謂富蘭那迦葉末迦利瞿舍梨子

當如護己命 以斯善護已 而等護於彼
猛火之所食 雖小食無限 小燭亦能燒
足薪則彌廣 從微漸進燒 盡聚落城邑
是故自護者 當如護己命 以斯善護已
而等護於彼 盛火之所焚 百卉蕩燒盡
滅已不盈縮 戒火還復生 若輕毀比丘
受持淨戒火 燒身及子孫 衆災流百世
如燒多羅樹 無有生長期 是故當自護
如自護己命 以斯善自護 而等護於彼
刹利形相具 幼龍及小火 比丘具淨戒
不應起輕想 是故當自護 如自護己命
以斯善自護 而等護於彼

佛說此經已波斯匿王聞佛所說歡喜隨喜
作禮而去

如是我聞一時佛住舍衛國祇樹給孤獨園

時波斯匿王有祖母極所敬重忽爾命終出
城闈維供養舍利畢弊衣亂髮來詣佛所稽
首佛足退坐一面爾時世尊告波斯匿王大
王從何所來弊衣亂髮波斯匿王白佛世尊
我亡祖母極所敬重捨我命終出城於外闈
維供養畢來詣世尊佛告大王極愛重敬念
祖親耶波斯匿王白佛世尊極敬重愛戀世
尊若國土所有象馬七寶乃至國位悉持與
人能救祖母命者悉當與之既不能救生死
長辭悲戀憂苦不自堪勝曾聞世尊所說一
切衆生一切蟲一切神生者皆死無不窮盡
無有出生而不死者今日乃知世尊善說佛
言大王如是如是一切衆生一切蟲一切神
生者輒死終歸窮盡無有一生而不死者佛
告大王正使婆羅門大姓刹利大姓長者大

姓生者皆死無不死者正使刹利大王灌頂
居位王四天下得力自在於諸敵國無不降
伏終歸有極無不死者若復大王生長壽天

王於天宮自在快樂終亦歸盡無不死者若
復大王阿羅漢比丘諸漏已盡離諸重擔所

作已作逮得已利盡諸有結正智心善解脫

彼亦歸盡捨身涅槃若復緣覺善調善寂盡

此身命終歸涅槃諸佛世尊十力具足四無

所畏勝師子吼終亦捨身取般涅槃以如是

比大王當知一切衆生一切蟲一切神有生

覲死終歸磨滅無不死者爾時世尊復說偈

言

一切衆生類 有命終歸死 各隨業所趣
善惡果自受 惡業墮地獄 為善上昇天
修習勝妙道 漏盡般涅槃 如來及緣覺

佛聲聞弟子 會當捨身命 何況俗凡夫
佛說此經已波斯匿王聞佛所說歡喜隨喜
作禮而去

如是我聞一時佛住舍衛國祇樹給孤獨園
時波斯匿王獨一靜處禪思惟作是念云
何爲自念云何爲不自念復作是念若有行
身惡行行口惡行行意惡行者當知斯等爲
不自念若復行身善行行口善行行意善行
者當知斯等則爲自念從禪覺已往詣佛所
稽首佛足退住一面白佛言世尊我於靜處
獨一思惟作是念云何爲自念云何爲不自
念復作是念若有行身惡行行口惡行行意
惡行者當知斯等爲不自念若復行身善行
行口善行行意善行者當知斯等則爲自念
佛告大王如是大王如是大王若有行身惡

行行口惡行行意惡行者當知斯等爲不自念彼雖自謂爲自愛念而實非自念所以者何無有惡知識所作惡不念者所不念不愛者所不愛所作如其自爲自己所作者是故

斯等爲不自念若復大王行身善行行口善

堂六

行行意善行者當知斯等則爲自念斯等自謂不自愛惜已身然其斯等實爲自念所以者何無有善友於善友所作念者念作愛者愛作如自爲己所作者是故斯等則爲自念爾時世尊復說偈言

謂爲自念者 不應造惡行 終不因惡行
今已得安樂 謂爲自念者 終不造惡行
造諸善業者 令已得安樂 若自愛念者
善護而自護 如善護國王 外防邊境城
若自愛念者 極善自寶藏 如善守之王

內防邊境城 如是自寶藏 剎那無間缺
利那缺致憂 惡道長受苦
佛說此經已波斯匿王聞佛所說歡喜隨喜
作禮而去

爾時波斯匿王獨靜思惟作如是念云何自護云何不自護復作是念苦有行身惡行行口惡行行意惡行者當知斯等爲不自護若復行身善行行口善行行意善行者當知斯等則爲自護從禪覺已往詣佛所稽首佛足退坐一面向佛言世尊我獨靜思惟而作是念云何爲自護云何爲不自護復作是念若有行身惡行行口惡行行意惡行者當知斯等爲不自護若復行身善行行口善行行意善行者當知斯等則爲自護佛告大王如是

大王如是大王若有行身惡行行口惡行行意惡行者當知斯等爲不自護而彼自謂能自防護象軍馬軍車軍步軍以自防護雖謂自護實非自護所以者何雖護於外不護於內是故大王名不自護大王若復有行身善行行口善行行意善行者當知斯等則爲自護彼雖不以象馬車步四軍自防而實自護所以者何護其內者名善自護非謂防外爾時世尊復說偈言

是名善守護
是名善護於身口 及意一切業 慚愧而自防

時波斯匿王聞佛所說歡喜隨喜作禮而去
如是我聞一時佛在舍衛國祇樹給孤獨園
時波斯匿王獨靜思惟作是念世少有人得勝妙財利能不放逸能不貪著能於衆生不

起惡行世多有人得勝妙財利起於放逸增其貪著起諸邪行作是念已往詣佛所稽首佛足退坐一面白佛言世尊我獨靜思惟作是念世間少有人得勝妙財能於財利不起放逸不起貪著不作邪行世多有人得勝妙財而起放逸生於貪著多起邪行佛告波斯匿王如是大王如是大王世少有人得勝妙財利能不貪著不起放逸不起邪行世多有人得勝妙財利於財放逸而起貪著起諸邪行大王當知彼諸世人得勝財利於財放逸而起貪著作堂六邪行者是愚癡人長夜當得不饒益苦大王譬如獵師獵師弟子空野林中張網施罿多殺禽獸困苦衆生惡業增廣如是世人得勝妙財利於財放逸而起貪著造諸邪行亦復如是是愚癡人長夜當得不饒

益苦爾時世尊復說偈言

貪欲於勝財 爲貪所迷醉 狂亂不自覺
猶如捕獵者 緣斯放逸故 當受大苦報
佛說此經已 波斯匿王聞佛所說歡喜隨喜
作禮而去

如是我聞 一時佛住舍衛國祇樹給孤獨園
時波斯匿王於正殿上自觀察王事見勝刹
利大姓見勝婆羅門大姓見勝長者大姓因
貪欲故欺詐妄語即作是念止此斷事息此
斷事我更不復親臨斷事我有賢子當令斷
事云何自見此勝刹利大姓婆羅門大姓長
者大姓爲貪欲故欺詐妄語時波斯匿王作
是念已往詣佛所稽首佛足退坐一面白佛
言世尊我於殿上自斷王事見諸勝刹利大
姓婆羅門大姓長者大姓爲貪利故欺詐妄

爾時世尊復說偈言

於財起貪欲 貪欲所迷醉 狂亂不自覺
猶如魚捕者 緣斯惡業故 當受劇苦報
佛說此經已 波斯匿王聞佛所說歡喜隨喜
作禮而去

如是我聞一時佛住舍衛國祇樹給孤獨園時波斯匿王來詣佛所稽首佛足退坐一面白佛言世尊此舍衛國有長者名摩訶男多財巨富藏積真金至百千億況復餘財世尊摩訶男長者如是巨富作如是食用食麤碎

米食豆羨美食腐敗薑著麤布衣單皮革屣乘羸敗車戴樹葉蓋未曾聞其供養施與沙門婆羅門給卹貧苦行路頓乏諸乞匄者閉門而食莫令沙門婆羅門貧窮行路諸乞匄者見之佛告波斯匿王此非正士得勝財利不自受用不知供養父母供給妻子宗親眷屬卹諸僕使施與知識不知隨時供諸沙門婆羅門種勝福田崇向勝處未來生天得

勝錢財能廣受用倍收大利譬如大王聚落城郭邊有池水澄淨清涼樹林蔭覆令人受樂多衆受用乃至禽獸如是善男子得勝妙財自供快樂供養父母乃至種勝福田廣收大利爾時世尊復說偈言

曠野湖池水 清涼極鮮淨 無有受用者 即於彼消盡 如是勝妙財 惡士夫所得 不能自受用 亦不供卹彼 徒自苦積聚 聚已而自喪 慧者得勝財 能自樂受用 廣施作功德 及與親眷屬 隨所應給與

中煎熬消盡如是不善士夫得勝財物乃至不廣受用收其大利如彼池水大王有善男子得勝財利快樂受用供養父母供給妻子宗親眷屬給卹僕使施諸知識時時供養沙門婆羅門種勝福田崇向勝處未來生天得

如牛王領衆 施與及受用 不失所應者
乘理而壽終 生天受福樂
佛說此經已波斯匿王聞佛所說歡喜隨喜
作禮而去

如是我聞 一時佛住舍衛國祇樹給孤獨園

堂六

十三

爾時舍衛國有長者名摩訶男命終無有兒
息波斯匿王以無子無親屬之財悉入王家
波斯匿王日日校閱財物身蒙塵土來詣佛
所稽首佛足退坐一面爾時世尊告波斯匿
王大王從何所來身蒙塵土似有疲倦波斯
匿王白佛世尊此國長者摩訶男命終有無
子之財悉入王家瞻視料理致令疲勞塵土
全身從其舍來佛門波斯匿王彼摩訶男長
者大富多財耶波斯匿王白佛大富世尊錢
財甚多百千巨億金銀寶物況復餘財世尊

彼摩訶男在世之時麤衣惡食如上廣說佛
告波斯匿王彼摩訶男過去世時遇多迦羅
尸棄辟支佛施一飯食非淨信心不恭敬與
不自手與施後變悔言此飲食自可供給我
諸僕使無辜持用施與沙門由是施福七反
往生三十三天七反生此舍衛國中最勝族
姓最富錢財以彼施辟支佛時不淨信心不
手自與不恭敬與施後隨悔故在所生處雖
得財富猶故受用麤衣麤食麤弊卧具屋舍
車乘初不嘗得上妙色聲香味觸以自安身
復次大王時彼摩訶男長者殺其異母兄取
其財物緣斯罪故經百千歲墮地獄中彼餘
罪報生舍衛國七反受身常以無子財沒入
王家大王摩訶男長者今此壽終過去施報
盡於此身以彼慳貪於財放逸因造過惡於

此命終已墮地獄受極苦惱波斯匿王白佛
言世尊摩訶男長者命終已入地獄受苦痛
耶佛言如是大王已入地獄時波斯匿王念
彼垂泣以衣拭淚而說偈言

財物真金寶

堂六 象馬莊嚴具

及諸田宅等

一切皆遺棄

十四 裸神獨遊往

福運數已窮 永捨於人身
何所持而去 於何事不捨

爾時世尊即說偈答王

唯有罪福業 若人已作者

是則已之有

彼則常持去 生死未曾捨

如影之隨形

如人少資糧 涉遠遭苦難

不修功德者

必經惡道苦 如人豐資糧

安樂以遠遊

修德淳厚者 善趣長受樂

如人遠遊行

歲久安隱歸 宗親善知識

歡樂欣集會

善修功德者 此沒生他世 彼諸親眷屬
見則心歡喜 是故當修福 積集期永久
福德能爲人 建立他世樂 福德天所歎
等修正行故 現世人不毀 終則生天上
佛說此經已波斯匿王聞佛所說歡喜隨喜
作禮而去

如是我聞一時佛住舍衛國祇樹給孤獨園
爾時波斯匿王普設大會爲大會故以千特
牛行列繫柱集衆供具遠集一切諸異外道
悉來聚集波斯匿王大會之處時有衆多比

堂六

丘亦晨朝著衣持鉢入舍衛城乞食聞波斯

十五

匿王普設大會如上廣說乃至種種外道皆

悉來集聞已乞食畢還精舍舉衣鉢洗足已

往詣佛所稽首佛足退坐一面白佛言世尊
我等今日衆多比丘晨朝著衣持鉢入舍衛

城乞食聞波斯匿王普設大會如上廣說乃至種種異道集於會所爾時世尊即說偈言
日日設大會乃至百千數不如正信佛
十六分之一如是信法僧慈念於衆生
彼大會之福十六不及一若人於世間
億年設福業於真心敬禮四分不及一
佛說此經已諸比丘聞佛所說歡喜奉行
如是我聞一時佛住舍衛國祇樹給孤獨園
時波斯匿王忿諸國人多所囚執若刹利若
婆羅門若鞞舍若首陀羅若旃陀羅持戒犯
戒在家出家悉皆被錄或鎖或持械或以繩
縛時有衆多比丘晨朝著衣持鉢入舍衛城
乞食聞波斯匿王多所攝錄乃至或鎖或縛
乞食畢還精舍舉衣鉢洗足已往詣佛所稽
首佛足退坐一面白佛言世尊我等今日衆

多比丘入城乞食聞波斯匿王多所收錄乃至鎖縛爾時世尊即說偈言
非繩鎖杻械名曰堅固縛染汙心顧念
錢財寶妻子是縛長且固雖緩難可脫
慧者不顧念世間五欲樂是則斷諸縛
安隱永超出
佛說此經已諸比丘聞佛所說歡喜奉行
如是我聞一時佛住舍衛國祇樹給孤獨園
時波斯匿王摩竭提國阿闍世王韋提希子
共相違背摩竭提王阿闍世韋提希子起四
種軍象軍馬軍車軍步軍來至拘薩羅國波
斯匿王聞阿闍世王韋提希子四種軍至亦
集四種軍象軍馬軍車軍步軍出共鬪戰阿
闍世王四軍得勝波斯匿王四軍不如退敗
星散單車馳走還舍衛城時有衆多比丘晨

朝著衣持鉢入舍衛城乞食聞摩竭提王阿闍世韋提希子起四種軍來至拘薩羅國波斯匿王起四種軍出共鬪戰波斯匿王四軍不如退敗星散波斯匿王恐怖狼狽單車馳走還舍衛城聞已乞食畢還精舍舉衣鉢洗足已往詣佛所稽首佛足退坐一面白佛言世尊我等今日衆多比丘入城乞食聞摩竭提王阿闍世韋提希子起四種軍如是廣說乃至單車馳走還舍衛城爾時世尊即說偈言

戰勝增怨敵 敗苦卧不安 勝敗二俱捨

卧覺寂靜樂

佛說此經已諸比丘聞佛所說歡喜奉行

如是我聞一時佛住舍衛國祇樹給孤獨園時波斯匿王與摩竭提王阿闍世韋提希子

室六

十七

共相違背摩竭提王阿闍世韋提希子起四種軍來至拘薩羅國波斯匿王倍興四軍出共鬪戰波斯匿王四種軍勝阿闍世王四種軍退摧伏星散波斯匿王悉皆虜掠阿闍世王象馬車乘錢財寶物生擒阿闍世王身載以同車俱詣佛所稽首佛足退坐一面波斯匿王白佛言世尊此是阿闍世韋提希子長夜於我無怨恨入而生怨結於好人所作不好然其是我善友之子當放令還國佛告波斯匿王善哉大王放其令去令汝長夜安樂饒益爾時世尊即說偈言

乃至力自在 能廣虜掠彼 助怨在力增
倍收已他利

佛說此經已波斯匿王及阿闍世韋提希子聞佛所說歡喜隨喜作禮而去

如是我聞一時佛住舍衛國祇樹給孤獨園時波斯匿王獨靜思惟作是念世尊正法現法離諸熾然不待時節通達現見自覺證知此法是善知識善伴黨非是惡知識惡伴黨作是念已往詣佛所稽首佛足退坐一面白

佛言世尊我獨靜思惟作是念世尊正法現法離諸熾然不待時節通達現見自覺證知是則善知識善伴黨非惡知識惡伴黨佛告波斯匿王智是大王如是大王世尊正法律現法離諸熾然不待時節通達現見緣自覺知是則善知識善伴黨非惡知識惡伴黨所以者何我爲善知識衆生有生法者解脫於生衆生有老病死憂悲惱苦者悉令解脫大王我於一時住王舍城山谷精舍時阿難陀比丘獨靜思惟作是念半梵行者是善知識善

伴黨非惡知識惡伴黨作是念已來詣我所稽首我足退坐一面白我言世尊我獨靜思惟作是念半梵行者是善知識善伴黨非惡知識惡伴黨我時告言阿難莫作是語半梵行者是善知識善伴黨非惡知識惡伴黨所以者何純一滿淨梵行清白謂善知識善伴黨非惡知識惡伴黨所以者何我常爲諸衆生作善知識其諸衆生有生故當知世尊正法現法令脫於生有老病死憂悲惱苦者離諸熾然不待時節現令脫惱苦見通達自覺證知是則善知識善伴黨非惡知識惡伴黨爾時世尊即說偈言

讚歎不放逸 是則佛正教 修禪不放逸逮得證諸漏

佛說此經已波斯匿王聞佛所說歡喜隨喜

作禮而去

如是我聞一時佛住舍衛國祇樹給孤獨園時波斯匿王獨靜思惟作是念頗有一法修習多修習得現法願滿足後世願滿足現法後世願滿足不作是念已往詣佛所稽首佛

堂六

十九

足退坐一面白佛言世尊我獨靜思惟作是念頗有一法修習多修習得現法願滿足後世願滿足現法後世願滿足不作是念已往詣佛所稽首佛王如是大王有一法修習多修習得現法願滿足後世願滿足得現法後世願滿足謂不放逸善法不放逸善法修習多修習得現法願滿足得現法後法願滿足大王譬如世間所作麤業彼一切皆依於地而得建立不放逸善法亦復如是修習多修習得現法願滿足得現法願滿

足得現法後法願滿足如力如是種子根堅陸水足行師子舍宅亦如是說是故大王當住不放逸當依不放逸住不放逸依不放逸已夫人當作是念大王住不放逸依不放逸我今亦當如是住不放逸依不放逸如是夫人如是大臣太子猛將亦如是國土人民應當念大王住不放逸依不放逸夫人太子大臣猛將住不放逸依不放逸我等亦應如是住不放逸依不放逸大王若住不放逸依不放逸者則能自護夫人婦女亦能自保庫藏財寶增長豐實爾時世尊即說偈言稱譽不放逸 毀訾放逸者 帝釋不放逸能主忉利天 稱譽不放逸 毀訾放逸者不放逸具足 摄持於二義 一者現法利二後世亦然 是名無間等 甚深智慧者

佛說此經已波斯匿王聞佛所說歡喜隨喜作禮而去

如是我聞一時佛住舍衛國祇樹給孤獨園時波斯匿王獨靜思惟作是念此有三法一切世間所不愛念何等爲三謂老病死如是

堂六三法一切世間所不愛念若無此三法世間

所不愛者謂佛世尊不出於世世間亦不知

有諸佛如來所覺知法爲人廣說以有此三

法世間所不愛念謂老病死故諸佛如來出

興於世世間知有諸佛如來所覺知法廣宣

說者波斯匿王作是念已來詣佛所稽首佛足退坐一面以其所念廣白世尊佛告波斯匿王如是大王如是大王此有三法世間所不愛念謂老病死乃至世間知有如來所覺知法爲人廣說爾時世尊復說偈言

王所乘寶車 終歸有朽壞 此身亦復然遷移會歸老 唯如來正法 無有衰老相

稟斯正法者 永到安隱處 恒凡鄙衰老醜弊惡形類 衰老來踐蹈 迷魅愚夫心若人壽百歲 常慮死隨至 老病競追逐

伺便輒加害

佛說此經已波斯匿王聞佛所說歡喜隨喜

作禮而去

雜阿含經卷第四十六

堂六

二

音釋

翅	式利切	金	繖	蘇肝切	澡	澣	澣子皓切	捕
	翅膀鳥名		蓋也		澣	澣子皓		
閻	薄故切							
閻	校古孝切							
閻	欲雪切							
閻	觀也							
閻	魯當切							
閻	猝遠貌							
閻	搏							
狼	離少切							
狼	劫奪也							
狼	掠也							
魅	彌二切							
魅	惑也							
踐	踐在演切							
踐	踏也							